



Boletin di ASFO

Volúmen 5, issue 7

4 di mei 2021



E muchanan a gosa di e luna di lesamentu. Tantu na kas komo na skol!



Bo tabata sa ku:

- E MUCHANAN DI GRUPO 8 TA BAI KUMINSÁ KU NAN PRUEBA DI EFO?
- NOS TA DESEÁ NAN HOPI ÉKSITO I NOS TA ORGUYOSO DI NAN!
- KETU BAI NOS TA BUSKANDO UN PAR DI MAYOR/WELA PA REFORSÁ NOS BIBLIOTEKA ESKOLAR?

Kere den bo mes!

Den e edishon aki:

- **Djammers 4 di mei** tin “maandopening” planiá pa grupo 5. Lamentablemente esaki ainda no por tuma lugá.
- **Djárason 5 di mei** e muchanan di grupo 8 ta kuminsá ku nan prueba final di grupo 8, EFO. Dia 5, 6, 7, 11 i 12 di mei nan ta traha tur dia 1 òf 2 prueba.
Nos ta deseá tur mucha tur klase di éksito i nos ta sumamente orguyoso di nan!
- **Djaweps 13 i djabièrnè 14 di mei** skol lo ta será en konekshon ku dia di Asunsion. Nos ta spera tur mucha djaluna dia 17 di mei bèk na skol.
- **Djaluna 17 di mei** komishon di mayor ta organisá un reunion den “computerlokaal” òf pa medio di Zoom. Lo kuminsá 19.00 or.
- **Djaluna 31 di mei** e periodo di Cito i AVI ta kuminsá pa grupo 3 t/k 8.
- **Djaluna 31 di mei** lo bo risibí tambe e “nieuwsbrief” di luna di yüni.

Nos ta deseá tur hende un luna yená ku inspirashon!

EKO

Tata i yu ta kana den mondi. Diripiente e mucha ta trompeká i pasobra e tin doló e ta grita: ‘Aiiiiii’. Straña e ta tende un stèm grita for di den mondi ‘Aiiiiii’. Kurioso e ta grita: ‘Ken bo ta?’ I e ta haña komo kontesta: ‘Ken bo ta?’ E ta bira furioso i ta bolbe grita: ‘Bo ta fastioso’ i e stèm ta kontestá: ‘Bo ta fastioso’

Ku un kara yen di pregunta e mucha ta bira wak su tata. E tata ta bisa: ‘Mi yu paga tinu’ i e ta grita: ‘Mi ta admirá bo’. E stèm ta respondé: ‘Mi ta admirá bo’.

Tata: ‘Bo ta presioso’ i e stèm ta bisa: ‘Bo ta presioso’. E mucha ta sorprendí pero e no ta komprondé ainda. E tata ta splik’é: Hende ta yama e kos aki eko, pero en realidat esaki ta bida... Bida semper ta duna bo loke bo ta invertí den dje. Bida ta un refleho di bo akshonnan. Si bo ke mas amor, duna mas amor! Bo ke mas kariño, duna mas kariño!

INSPIRE
SOMEONE
TODAY.

